

Broj: 23-11417-13/25

Sarajevo, 16.12.2025. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku, broj: 23-11417-11/25 od 15.12.2025.godine, u postupku javne nabavke roba – Proteze koljena, kuka i ramena, **JN-125/25**, direktor Javne ustanove Opća bolnica „Prim. dr. Abdulah Nakaš“, je donio

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 23-11417-11/25 od 15.12.2025. godine, za javnu nabavku roba – **Proteze koljena, kuka i ramena**, da se Okvirni sporazum za nabavku roba po lotovima kako slijedi:

LOT 1 – Totalna bescementna endoproteza kuka

LOT 2 – Totalna reviziona endoproteza kuka

LOT 3 – Primarna i reviziona endoproteza koljena

LOT 4 – Endoproteza ramena

dodijeli ponuđaču **INEL-MED d.o.o. Mostar**, ponuda dostavljena dana 04.12.2025. godine, za ponuđenu cijenu za lot:

LOT 1 – 1.340.370,20 KM bez uračunatog PDV-a, odnosno 1.568.233,13 KM sa uračunatim PDV-om kao jedinom i prihvatljivom ponuđaču;

LOT 2 – 200.000,00 KM bez uračunatog PDV-a, odnosno 234.000,00 KM sa uračunatim PDV-om kao jedinom i prihvatljivom ponuđaču. Obzirom da za Lot 2 nije moguće unaprijed tačno, niti okvirno utvrditi količine robe koja se planira nabaviti, Okvirni sporazum će se zaključiti na ukupan iznos procijenjene vrijednosti lota u iznosu od 200.000,00 KM bez uračunatog PDV-a, odnosno 234.000,00 KM sa uračunatim PDV-om na dvogodišnjem nivou.

Zbirni iznos jediničnih cijena za Lot 2 je 6.704,00 KM bez uračunatog PDV-a, odnosno 7.843,68 KM sa uračunatim PDV-om;

LOT 3 – 1.323.950,00 KM bez uračunatog PDV-a, odnosno 1.549.021,50 KM sa uračunatim PDV-om kao jedinom i prihvatljivom ponuđaču. Obzirom da za Lot 3 nije moguće unaprijed tačno, niti okvirno utvrditi količine robe koja se planira nabaviti, Okvirni sporazum će se zaključiti na ukupan iznos procijenjene vrijednosti lota u iznosu od 1.323.950,00 KM bez uračunatog PDV-a, odnosno 1.549.021,50 KM sa uračunatim PDV-om na dvogodišnjem nivou.

Zbirni iznos jediničnih cijena za Lot 3 je 18.168,00 KM bez uračunatog PDV-a, odnosno 21.256,56 KM sa uračunatim PDV-om;

LOT 4 – 135.630,00 KM bez uračunatog PDV-a, odnosno 158.687,10 KM sa uračunatim PDV-om kao jedinom i prihvatljivom ponuđaču na dvogodišnjem nivou.

Član 2.

Postupak iz člana 1. ove Odluke proveden je metodom otvoreni postupak, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da je ponudu za predmetnu nabavku za LOT-ove: 1, 2, 3 i 4 dostavio 1 (jedan) kvalifikovani ponuđač i to **INEL-MED d.o.o. Mostar**. U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

U predmetnom postupku nije bilo nekvalifikovanih ponuđača.

Član 4.

Izabrani ponuđač za LOT-ove: 1, 2, 3 i 4 - **INEL-MED d.o.o. Mostar** oslobađa se obaveze da dostavi originale ili ovjerene kopije dokumentacije iz člana 45. Zakona o javnim nabavkama, obzirom da je iste dostavio uz ponudu.

Član 5.

Prijedlog Okvirnog sporazuma za LOT-ove: 1, 2, 3 i 4 dostavlja se na potpis izabranom ponuđaču uz Odluku o izboru najpovoljnijeg ponuđača.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) i članom 71. stav (2) Zakona o javnim nabavkama.

Obrazloženje

Postupak javne nabavke sproveden je putem otvorenog postupka, broj tendera **JN-125/25**, a isti je pokrenut Odlukom o pokretanju postupka javne nabavke, broj: 23-11417-1/25 od 03.09.2025. godine.

Komisija za nabavku, imenovana je Rješenjem broj: 23-11417-4/25 od 10.09.2025. godine.

Procijenjena vrijednost javne nabavke iznosi 3.000.000,00 KM bez uračunatog PDV-a, odnosno po lotovima:

1. LOT 1 – Totalna bescementna endoproteza kuka: 1.340.400,00 KM
2. LOT 2 – Totalna reviziona endoproteza kuka: 200.000,00 KM
3. LOT 3 – Primarna i reviziona endoproteza koljena: 1.323.950,00 KM
4. LOT 4 – Endoproteza ramena: 135.650,00 KM

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 23-11417-10/25 od 15.12.2025. godine, Preporuku o izboru najpovoljnijeg ponuđača broj: 23-11417-11/25 od 15.12.2025. godine i Izvještaj o radu broj: 23-11417-12/25 od 15.12.2025. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće

zapisnike, u kojima je utvrđeno da je u predmetnom postupku blagovremeno primljena jedna ponuda i da nije bilo neblagovremeno primljenih ponuda.

Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

- Ponuda ponuđača **INEL-MED d.o.o. Mostar** za Lot-ove: 1, 2, 3 i 4 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Melisa Mehić, BA va
Stručni saradnik za ne nabavke

Kontrolisala:

Aldijana Ećo Ajku BA prava
Šef Odsjeka za javi ibavke



Dostaviti:

- INEL-MED d.o.o. Mostar; Rudarska 20b (Objekat 1, Centar II),
- Odsjek za javne nabavke
- Bolnička apoteka
- Odjeljenje za ekonomsko-finansijske poslove